

弇山堂別集卷三十九

恩澤公侯伯表

古恩澤侯凡有三曰外戚則如呂武之為王與王氏
之五侯丁傳梁竇之類曰中官則如趙高孫程單超
之類曰嬖幸則如董賢趙脩之類是三者皆能于敦
章典變動玄象使帷幄汗馬之勲臣解體而不可收
志節之志輕視貂冕而不樂于用 明興

高皇帝母外家三尺之胤以故王爵廟貌雖極隆於
楊徐而朱邳自功臣外無兩者它若李隴西繇尚主

吳郡王世貞元美編

漢章文庫

而儋爵然亦岐陽大勲所推本而成穆椒房之光寵
其兄模實不過叅省而又奪之獨于晚年梁公之券
施于充妃之從子顯出相貴邸入陪禁籞至建文而
削奪識者以為非不幸云

文皇入纂之頃中宮猶在邸而仲氏已前開國夫固
憫其禍收其愆而執經者猶疑之然以中山之勲塞
天地家有兩公胙及百代不為幸也

昭皇后母儀奕世幾于文妣以故張氏得封二伯其
後漸因之至有自侯而進公者自保傅而正太師者
然會昌主兵符而不能易

人主之喜怒壽寧建昌能易

人主之喜怒而不能與外廷之進止其極不過富貴
其樂不過宮室狗馬聲色其威怒不過行閭閻雛匹
而已

世廟憤壽寧建昌之積侈執而繫繆之一時肅然而
又申明考功令下所司悉裁諸外戚之世封者獨定
公以中山故彭城惠安以

昭皇后故且半援帷幄汗馬焉它則擁護心乎孝烈
而家一襲晉接窮乎榮恭而不予世天下服其公快
其斷而不敢以少恩病之斯所以為肅也若夫中貴

人之擅柄代有甚矣幸而未鑿其竅不敢身冒封爵而正德之亂其昆從以迨廝養皆得濫竽焉嘉靖之數方士之無賴者居一矣皆未幾而絀削繼之著爲令甲萬世曉然知其非當可無慮也作恩澤公侯伯表

曹國公李貞直隸臨淮人尚高帝姊隴西長公主公主先薨洪武元年封奉天輔運推誠宣力武臣特進榮祿大夫柱國恩親侯歲祿二千石三年進封同子文忠國號加右柱國其歲祿朝請自如十年薨贈典依開國公例

梁國公胡顯臨淮人父泉都督僉事顯代指揮任遷都指揮以姑爲上妃生楚王從護衛征洞蠻累功至都督僉事洪武二十二年推恩封梁國公食祿三千石階勲特進光祿大夫柱國世襲仍侍王建文二年削爵安置臨襄永樂元年仍爲護衛指揮僉事進同知十三年卒子善襲指揮

已上太祖朝封

定國公徐景昌直隸鳳陽人父增壽魏國公達次子以文皇后弟爲左軍左都督坐通欵燕兵爲建文君所殺洪武三十五年加恩追封武陽侯尋進封公

為奉天靖難推誠宣力武臣特進榮祿大夫右柱國
子景昌嗣祿二千五百石世襲正統二年薨子顯忠
嗣十三年薨景泰六年子永寧嗣用心疾免朝參支
半祿成化十七年薨子光祚嗣掌營府加大師嘉靖
六年薨子延德嗣隆慶 年薨子文璧嗣
已上 太宗朝封

昌國公張鶴齡直隸興濟人 孝皇后弟初嗣父巒
封為壽寧侯世襲嘉靖元年推恩進封累加祿一千
八百石流爵不給券十二年坐事降南京錦衣衛指
揮

武國公郭勛詳見侯表嘉靖十八年以南郊禮成由
太師武定侯進封祿一千五百石流爵二十年下獄
死子守乾嗣侯爵

恩親侯李貞直隸臨淮人洪武元年封見公表
灤城侯李堅河南武陟人尚 太祖女大名公主建
文元年封祿二千石世襲征北被獲死子莊罷不襲
已上 太祖朝封

永春侯王寧直隸壽州人尚 太祖女懷慶公主洪
武三十五年以推戴封祿千石世襲五年下獄卒孫
彝為指揮僉事

廣平侯袁容直隸壽州人右都督洪子尚 太宗女
永安公主洪武三十五年兼守北平功封祿一千五
百石世襲洪熙元年停祿宣德元年復四年薨子禎
嗣薨庶弟璠嗣侯薨無子弟琇為長陵指揮僉事
富陽侯李讓直隸舒城人指揮申子尚 太宗女永
平公主洪武三十五年兼守北平功封祿千石世襲
二年薨子茂芳二十二年坐讓舊郟失侯子輿授長
陵衛指揮僉事尋封伯薨從子輅仍為指揮
已上 太宗朝封

會昌侯孫繼宗山東鄒平人父忠以 章皇后父宣

德四年封伯薨繼宗嗣天順元年進封祿千五百石
世襲成化十五年薨孫銘嗣德正十五年薨子杲嗣嘉
靖八年革十六年薨繼宗銘俱統營兵至加保傅
廣寧侯劉安直隸宿遷人永樂十九年罷父榮伯爵
為大同總兵下獄閒住天順元年追論大同出謁恩
進封祿一千五百石七年以與破曹欽功加三百石
成化七年薨兄子瓘嗣十五年薨無後安子璇見伯
志

已上 英宗朝封

慶雲侯周壽山東昌平人 孝肅皇太后兄成化三

年封伯十七年進封祿一千三百石世襲加百石正

德十四年薨子瑛嗣嘉靖八年革壽加保傅等官

已上 憲宗朝封

瑞安侯王源直隸上元人 純皇后兄封伯祿一千

石弘治五年進封世襲增祿二百石嘉靖三年薨子

橋嗣八年革源加保傅等官

壽寧侯張巒直隸興濟人 敬皇后父弘治三年封

伯五年進封祿一千二百石世襲薨子鶴齡嗣見公

表

建昌侯張延齡 敬皇后弟弘治八年封伯十六年

進封祿一千六百石嘉靖元年加祿一百石十年坐

法下獄二十三年棄市國除延齡加保傅等官

已上 孝宗朝封

京山侯崔元山西代州人尚 憲宗女永康大長公

主嘉靖元年以迎立恩封祿一千五百石世襲二十

九年薨子驥徵爲錦衣指揮蚤卒亡後元加保傅等

官入直蒙優任

安平侯方銳直隸江寧人 孝烈皇后父嘉靖十八

年封伯二十一年進封祿一千七百三十石二十五

年薨子承裕嗣伯爵加保傅國除

已上 世宗朝封

武清侯李偉宛平人以 慈聖皇太后父封武清伯
萬曆十年進封

已上 今朝恩澤封

歸德侯陳理偽漢主友諒子吳元年以降附封後送
之朝鮮

歸義侯明昇偽夏主玉珍子洪武六年以降附封後
送之朝鮮

崇禮侯買理的八刺元順帝孫洪武三年以破應昌
獲封尋歸之沙漠

已上俱國裔封

彭城伯張臬河南永城人永樂二十二年以 昭皇
后兄由左都督封祿一千五百石世襲正統三年薨
孫瑾嗣成化十六年薨子信嗣正德三年薨子欽嗣
嘉靖十六年薨子勲嗣本年薨次子熊嗣萬曆 年
薨子守忠嗣

已上 仁宗封

會昌伯孫忠初名愚山東鄒平人宣德四年爲都督
僉事以 章皇后父封祿一千二百石世襲景泰三
年薨子會宗嗣見侯志

惠安伯張昇景弟宣德五年以昭皇后弟封祿一千一百石世襲六年薨子宗嗣成化三年薨弟瑛嗣十五年薨弟瓚嗣弘治六年薨子偉嗣嘉靖十四年薨子鑾嗣三十一年薨子元善嗣

已上 宣宗封

安平伯吳安直隸丹徒人爲都督同知以景皇帝母皇太后兄封祿一千石天順元年削爵

已上 景帝封

慶雲伯周壽山東昌邑人成化三年爲都督同知以孝肅皇太后兄封祿一千石世襲餘見侯志

長寧伯周或壽弟以孝肅皇太后弟成化二十一年由左都督封祿一千石世襲正德三年薨子瑋嗣十四年薨子大經嗣嘉靖八年議革四十年薨

已上 憲宗朝封

瑞安伯王源直隸上元人成化二十年爲左都督以純皇后兄封瑞安伯食祿千石世襲餘見侯志

安昌伯錢承宗直隸海州人弘治三年爲都督同知以睿皇后從孫封祿一千石嘉靖四年薨子維圻嗣五年薨弟維垣不得嗣國除

壽寧伯張巒興濟人弘治三年以皇后父封祿一

千石詳見侯志

建昌伯張延齡鬻次子弘治三年封詳見侯志

崇善伯王清源之弟弘治十年爲左都督以皇太

后弟封祿一千石世襲嘉靖八年革

已上 孝宗朝封

安仁伯王濬源之弟正德二年爲左都督以皇太

后弟封祿一千石是年薨子桓嗣嘉靖八年革

慶陽伯夏儒上元人正德二年以毅皇后父封祿

一千石世襲十年薨子臣嗣嘉靖八年革

涇陽伯神英順天人正德五年以左都督訴功

侯奉封祿八百石是年奪爵仍爲右都督子周累至

右都督坐法死停指揮

泰安伯張富直隸新城人正德五年由右都督以弟

太監永誅劉瑾推恩封祿一千石十六年革爲錦衣

指揮

安定伯張容富弟正德五年由右都督以兄太監永

誅劉瑾功推恩封祿一千石十六年革爲右都督

永壽伯朱德不知何許人初冒太監裴姓爲義子曰

裴德又曰武德又曰皮得正德五年傳奉封祿一千

石十六年下獄革

高平伯谷大寬文安人正德五年以弟太監大用冒
誅劉瑾功推恩封祿一千石十六年革

平涼伯馬山直隸涿州人正德五年以弟太監永成
冒誅劉瑾功推恩封祿一千石十六年革

鎮安伯魏英陝西榆次人正德五年以兄太監彬推
恩封祿一千石十六年革爲都督同知

永清伯谷大亮大用弟正德七年以大用冒平寇功
推恩封祿一千石十六年革

鎮平伯陸永不知何許人太監閻姪正德七年以閻
冒平寇功推恩封祿一千石十六年革

平虜伯朱彬即江彬直隸蔚州衛人正德十三年以

左都督扈從恩冒應州功封祿一千石從南征爲提
督贊書幾密軍務十六年加祿三百石尋伏誅

安邊伯許泰京衛人正德十三年以左都督扈從恩
冒應州功封祿一千石爲威武副將軍提督軍務十
六年下獄削爵戍遼東

已上 武宗朝封

昌化伯邵喜興化人嘉靖元年爲錦衣衛都督指揮
使以 壽安太后弟封祿一千石世襲二年薨子蕙
嗣五年薨子杰嗣八年革

玉山堂別集 卷之二十九
玉田伯蔣輪徐州人嘉靖二年以章太后弟封祿一千石世襲四年薨子榮嗣

泰和伯陳萬言直隸元城人嘉靖二年以孝潔皇后父封祿一千石十七年薨孫書為錦衣衛都指揮同知

安平伯方銳嘉靖十八年為右都督以孝烈皇后父封祿一千石見侯表

恭誠伯陶仲文湖廣黃岡人嘉靖二十八年以真人掌道教特封祿一千二百石尋累加三百石三十六年以病歸薨追削

已上 世宗朝封

已上伯爵俱恩澤封

慶都伯杜繼宗大興人隆慶元年以孝恪太后弟封祿一千石累加二百石

德平伯李銘人隆慶元年以莊皇后父封祿一千石

固安伯陳景行順天通州人萬曆元年以仁聖皇后父封祿一千石累加至二百石薨

已上 穆宗朝封

武清伯李偉萬曆元年以慈聖皇太后父封祿一

千石加一百石餘見侯志

永年伯王偉浙江餘姚人爲都督同知以 皇后父
封祿一千石

已上

今皇帝朝封右俱伯恩澤封

衍聖公爵系表

昔唐虞三代之盛其子孫爲賓恪者久而或替獨孔
子起韋布踐素王以筆札紹明聖人之絃寢明寢昌
稱萬世師爵則真王禮樂則天子其子孫亦以漸而
隆崇號爲上公秩乃六卿雖以夷狄僭篡之王不能

有所裁損嗚呼休哉然孔子實成湯后論者不知其
所自起余故因表衍聖公之爵系而備識之明孔子
非 國家所得而封建也

孔子之先第一代爲商王元子啟封于宋爵上公無
子介第曰微仲衍嗣第二代宋公稽衍子第三代丁
公申稽子第四代湣公共申子煬公熙共之弟第五
代公子弗父何共子第六代宋父周何子第七代勝
周何子第八代卿士正考父勝子第九代卿士孔父
嘉正考父子爲華督所殺第十代木金父孔父嘉子
奔魯爲大夫第十一代祈父木金父子一曰夷罍以

孔爲氏第十二代孔防叔祈父子第十三代伯夏防
叔子皆仕魯第十四代叔梁紇仕爲陬邑大夫長十
尺以勇力聞諸侯晚娶于顏生孔子三歲而紇卒宋
真宗大中祥符元年追封齊國公元成宗大德十一
年追封啟聖王明嘉靖九年改啟聖叔梁子
第一代孔子諱丘字仲尼叔梁紇子長九尺六寸仕
爲委吏乘田更后爲中都宰進司空再進大司寇與
聞國政攝相事歷游齊衛陳宋楚諸國老子魯卒年
七十三一曰七十二周敬王四十二年魯哀公誅爲
尼父西漢平帝元始二年尊爲褒成宣尼公和帝永

元四年改封褒尊侯元魏高祖孝文帝太和十六年
稱文聖尼父後周靜帝大象元年進封鄒國公隋文
帝開皇年稱先師尼父唐太宗貞觀二年進稱先聖
十一年稱尼父高宗乾封元年贈太師天授元年封
隆道公玄宗開元二十七年加贈謚曰文宣王宋真
宗大中祥符元年加謚玄聖文宣王尋以避祖諱改
至聖文宣王元成宗大德十一年加謚大成至聖文
宣王明嘉靖九年去王號稱至聖先師孔子
第二代鯉字伯魚孔子子魯哀公聘不應先孔子卒
年五十宋封泗水侯從祀後改配啟聖祠

第三代伋字子思鯉子歷聘魯衛見重不仕卒年百餘歲一曰六十二宋崇寧元年封沂水侯咸淳三年進封沂國公元至順二年加號沂國述聖公
第四代白字子上伋子不仕卒年四十九
第五代求字子家白一楚聘不應卒年四十五
第六代箕字子京求子爲魏相卒年四十六
第七代穿字子高箕子不仕卒年五十一
第八代慎字子順又曰謹又曰斌穿子爲魏安釐王相辭位秦召之不應魏以孔子故封魯文信君
第九代鮒字子魚慎子秦始皇并天下召封爲魯文

通君拜少傅歸隱陳王涉召爲博士拜太傅陳滅死于兵年五十七子隨承殷後爲宋公絕四傳至吉復封殷紹嘉侯進爲公位諸王三公上尋改封宋公子何齊嗣卒子安嗣絕東晉武帝太元十一年封其後靖之奉聖亭侯弟隱之嗣傳惠長及子英哲陳亡遂絕

九代騰字子襄長九尺六寸鮒之弟漢高帝過魯加封奉嗣君惠帝時爲博士遷長沙太守卒年五十有七

第十代忠字子貞騰子爲博士卒五十七

第十一代武字子威忠子文帝時爲博士遷臨淮太守卒

第十二代延年武子武帝時爲博士掇譜言轉少傳大將軍卒年七十一當是太子少傅耳當時大將軍唯衛青此誤

第十三代霸字次儒延年子昭帝時爲博士宣帝時以太中大夫授皇太子經遷詹事出爲高密相元帝初賜爵關內侯食邑一百戶號褒成君給事中卒年七十二謚曰烈君譜言拜太師誤漢自孔光以前不設太師

第十四代福霸子襲爵關內侯

第十五代房福子襲爵關內侯

第十六代均字長平初名莽避王莽諱改爲平帝尚書郎封褒成侯食邑二千戶後卒年八十一譜言王莽拜太尉不就史不載莽時亦無太尉

第十七代志均子建武十四年襲封褒成侯卒謚元成後漢嗣侯無謚又譜言拜大司馬是時大司馬吳漢誤也

第十八代損字君益志子明帝永平十五年襲封褒成侯和帝永元四年改封褒亭侯食邑一千戶

第十九代曜字君曜損子襲封褒亭侯

第二十代完曜子襲封褒亭侯卒無子

第二十一代美字子餘完弟讚之子魏文帝黃初元年拜議郎改封宗聖侯以魯縣百戶奉祀

第二十二代震字伯起晉武帝泰始三年改封奉聖亭侯食邑二千戶拜黃門侍郎太常卿卒年七十五

第二十三代疑字功成震子襲封奉聖亭侯卒年五十七

第二十四代撫疑子舉孝廉辟太尉掾襲封奉聖亭侯以豫章太守卒

第二十五代懿撫子東晉時拜從事中郎襲封奉聖亭侯卒年六十一按懿故宣帝諱今不避不可解

第二十六代鮮字鮮之懿子宋文帝元嘉十九年襲封奉聖亭侯改封崇聖侯

第二十七代乘字敬山鮮子時曲阜屬北魏矣舉孝廉延興三年封崇聖大夫食邑五百戶奉祀

第二十八代靈珙乘子授秘書郎孝文帝太和十九年仍封崇聖侯食邑一千戶

第二十九代文泰靈珙子襲封崇聖侯卒年五十八

第三十代渠文泰子襲封崇聖侯北齊文宣帝天保

元年保封恭聖侯後周靜帝大象元年改封鄒國公
食邑俱如故

第三十一代長孫渠子襲封鄒國公卒年六十四

第三十二代英哲長孫子仍封奉聖侯無子

三十二代嗣哲英哲弟隋文帝時仕爲涇州司兵
參軍遷太子通事舍人仍封鄒國公煬帝大業四
年改封紹聖侯食邑一千戶卒年七十譜言文帝
時登科誤也煬帝始設科

第三十三代德倫嗣哲子唐高祖武德九年改封褒
聖侯食邑如故太宗貞觀十一年詔朝會位同三品

卒年七十一

第三十四代崇基德倫子中宗嗣聖十二年襲封褒
聖侯神龍元年授朝散大夫卒年五十六

第三十五代燧之字藏暉崇基子玄宗開元五年襲
封褒聖侯授四門博士郡王府文學蔡州長史二十
七年改封文宣公食邑如故兼除兗州長史遷都水
使者

第三十六代萱燧之子襲封文宣公行兗州泗水令
第三十七代齊卿萱子德宗建中三年襲封文宣公
行兗州功曹參軍轉青州司兵參軍李師道叛陷于

東平以卒

第三十八代惟晧齊卿子憲宗元和十三年東平平歸魯授交州司兵叅軍襲封文宣公卒年六十五

第三十九代策惟晧子明經及第歷少府監主簿國子監丞襲封文宣公遷國子博士時兵後有爵無祿宣宗大中元年以絹百縑充祭祀卒年五十七

第四十代振字國文惟晧子懿宗咸通四年狀元及第除秘書省校書郎河東鹽運判官監察御史左補闕水部員外郎襲封文宣公仍以百縑充祭祀卒年七十四

第四十一代昭儉振子父任南陵尉授廣文館博士交州司馬賜緋遷秘書郎襲封文宣公行曲阜令卒年六十

第四十二代光嗣昭儉子以蔭補齋郎哀帝天祐二年以兵興不得嗣公授泗水令主廟祀尋爲泗掃宗戶孔末所害年四十二

第四十三代仁玉字温如光嗣子生始九月而光嗣見害母張氏抱之育於外家孔末有氣力隱其事得爲曲阜令仁玉既長魯人爲直於官孔末抵罪仁玉得爲嗣年十九長七尺餘授曲阜主簿滿兩考遷曲阜

阜令襲封文宣公後周太祖廣德二年幸孔林召見
賜五品服兼監察御史卒年四十五累贈兵尚

第四十四代宜字不疑仁玉子宋太祖乾德四年上
書述家世授曲阜主簿遷廣州軍事推官司農寺丞
領星子關市兼星子令擢太子右贊善大夫襲封文
宣公通判高密州進殿中丞從北征督餉卒于巨馬
河年四十六

第四十五代延世字茂先宜子以父死勒事賜同學
究出身授曲阜主簿遷閩縣令再轉長葛令襲封文
宣公行曲阜令卒年三十八

第四十六代聖佑延世子九歲授同學究出身大中
祥符元年十一從東封進太祝奉祀郎遷大理寺丞
天禧五年以光祿寺丞襲封文宣公行仙源令即曲
阜也遷贊善大夫太子中舍卒年三十五無子

四十六代宗愿延世次弟延澤子仁宗天聖中以
叔父道輔蔭補太廟齋郎遷國子監主簿寶光二
年襲封文宣公行仙源令至和二年改封衍聖公
累遷尚書比部員外郎通判濰州卒於官年六十

三

第四十七代若蒙字公明宗愿子熙寧元年襲封衍

聖公元祐元年改封奉聖公坐事廢

四十七代若虛字公實宗愿子元符元年襲封奉聖公卒子不當嗣

第四十八代端友字子交若蒙子襲封衍聖公金兵取中原扈高宗蹕南渡寓三衢知郴州卒

四十八代端操端友弟金權襲封衍聖公於曲阜主祠祀

第四十九代玠字錫老端友子南宋紹興二年襲封衍聖公於衢

四十九代璠字文老端操子廢齊阜昌二年襲封

衍聖公金皇統二年以齊廢議封而卒年三十八

贈光祿大夫

第五十代楷玠子宋紹興二十四年襲封衍聖公於衢

五十一代極字元濟璠子金皇統二年七歲襲封衍聖公卒年二十六無子

五十二代總字元會金大定三年襲封衍聖公行曲阜令卒年五十三贈光祿大夫

第五十一代文遠字紹先楷子宋熙寧四年襲封衍聖公於衢

五十一代元措字夢得總之子金章宗明昌二年
年十一襲封衍聖公視四品授中議大夫十七行
曲阜令遙授東平府通判遣蒙古亂從狩汴梁授
太常博士行太常丞同知集賢院進知集賢院遙
授泰定軍節度使兗州管內觀察等使兼行太常
少卿遷光祿大夫太常卿癸巳金平蒙古仍封衍
聖公歸里卒

五十一代元用字俊卿端友弟端立子琥琥子拂
之次子也金遷都以元措從之汴寶慶元年元用
權襲封衍聖公行仙源令主祀事二年改濟州通

判兼京東西道安撫司主管機宜文字蒙古太師
國王木華黎取山東仍封衍聖公從北征子於軍
第五十二代萬春字耆年文遠子宋襲封衍聖公於
衢

五十二代之全元用子宋命代父襲封衍聖公兼
仙源令蒙古授封亦如之兼曲阜尹累階奉訓大
夫金平還爵於元措止爲曲阜尹元措卒復封衍
聖公卒年五十二

第五十三代洙字景清萬春子宋襲封衍聖公於衢
元至元十九年宋亡召赴闕辭爵授國子祭酒提舉

浙東學校事歸老于衢爵封遂絕

五十三代澧元措之從子之固子襲封衍聖公八年宗人以不學攻斥之爲灘州尹以卒無子

五十三代治字世安之金子奉直大夫知密州事成宋時襲封衍聖公仍行曲阜令事子思誠不得嗣以朝列大夫濮州尹卒

第五十四代思晦字明道端友之第三弟端子拂拂子元孝元孝子之厚之厚子浣之子也三氏學舉茂才授范縣教諭調寧陽仁宗朝襲之全爵衍聖公授中議大夫月俸鈔五百錯鈐四品印秦定四年授

中議大夫尋改給三品印卒年五十 贈中奉大夫

河南江北等處行中書省叅知政事追封魯郡公

第五十五代克堅字景夫思晦子後至元之元年襲封衍聖公六年進階中奉大夫從二品賜銀印召爲同知太常禮儀院子以子希學襲公爵拜中臺治書侍御史改山東道肅政廉訪使起爲集賢直學士改禮部尚書知貢舉遷陝西行臺侍御史改國子祭酒謝病歸召爲資善大夫集賢學士再起山東廉訪使俱不赴 洪武初元召之至京師待以賓禮而不名俾食公祿不視事卒年五十五

第五十六代希學字士行克堅子後至元十五年克
堅拜同知太常禮儀院以希學襲爵兼秘書卿洪武
元年改賜階資善大夫正二品別給銀印每入朝班
亞上相始至中使慰勞館饋殊等卒年四十七賜祭
第五十七代訥字言伯希學子洪武十七年襲封衍
聖公詔不稱資善大夫銜以玉軸誥文給之時革丞
相每入朝令列文臣首卒年四十三賜祭

第五十八代鑑字昭文訥子洪武三十三年襲封衍
聖公又明年卒年二十三 文皇帝遣使致祭
第五十九代彥縉字朝文鑑子十歲襲封衍聖公

每入朝仍列文臣首洪熙元年賜第東安門北景皇
帝視學召入觀禮賜金箱犀帶大紅鶴袍三年來朝
復賜三臺銀印織金麒麟服白玉束帶卒年五十五
諭祭治喪葬賻卹優厚

第六十代承慶字永祚先卒年三十一後追封衍聖
公

第六十一代弘緒字以敬承慶長子景泰六年年八
歲襲封衍聖公賜鶴袍玉帶如例以其軀小去二膀
俾藏之以為榮成化中坐法削爵弘治中復冠帶卒
年五十七

六十一代弘泰字以和承慶子成化十七年代兄
弘緒封衍聖公憲宗朝上加先聖廟祭禮樂孝廟
初上幸太學俱詔入觀禮賜宴賜襲冠帶如例又
改賜第於慶壽寺之北卒年五十有四賜諭祭者
五工部官屬治葬

第六十二代聞韶字知德弘緒子也弘泰卒法當聞
韶襲以弘治十六年封衍聖公上賜麒麟服白玉帶
黃金盆正德年上幸太學召入觀禮賜宴冠服靴帶
寶鈔如故事嘉靖初上兩幸太學召賜亦如之卒年
六十有五賜祭葬加禮

第六十三代貞幹字用濟聞韶子嘉靖二十五年襲
封衍聖公賜勅約束其宗人以入朝卒年三十有八
上命禮部尚書賜祭凡九工部治葬行人護喪歸
第六十四代尚賢字象之貞幹子嘉靖三十五年以
父貞幹卒京師即命襲爵時方穉齒勅山東撫按諭
其族人謹視之不爾治以重罪

曲阜世尹

以聖公兼者唐文宣公萱兼泗水令昭儉兼曲阜令
後唐仁玉兼曲阜令宋延世兼曲阜令聖佑兼知仙
源縣事金衍聖公總兼知曲阜縣事元措兼世襲曲

阜令元用蕪仙源令份宋遙授元仍蕪曲阜令
專授者宋四十四代勗曲阜令四十五代道輔四十
六代宋禎四十五代彥輔四十六代宋翰四十六代
舜亮四十六代宗壽俱知仙源縣令五十五代克昌
五十四代宗壽俱曲阜令元五十三代濟五十三代
治五十四代思凱五十四代思誠五十五代克欽五
十六代希章俱曲阜尹

明五十六代希範五十五代克中五十八代公鏜五
十七代澳五十八代公錫五十八代變五十六代希
永五十九代彥士六十大代承泗六十大代承夏五十八

代公統六十大代承震五十八代公珏五十八代公澤
六十大代承葉六十一代弘廊六十大代承厚六十一代
弘復俱曲阜縣知縣內奕陞交州府通判弘復陞濟
寧州知州俱仍領縣事希大克伸克當希範克中公
鏜領勅

五經博士

正德中以六十二代聞禮爲翰林院五經博士奉子
思後聞禮卒弟聞詩代聞詩卒聞韶之子貞寧代
弘治中以衢州長嫡一人世襲五經博士

孔顏孟三氏學錄

宣德中詔三氏教授所學錄保任孔氏一人五十五
代克晏爲之後五十七代論五十五代克晏五十五
代克煦五十八代公璜五十八代公杰五十八代公
鉉五十九代彥衢五十九代彥佩六十代承鎬六十
代承作相繼代任

弇山堂別集卷四十

吳郡王世貞元美著

追封王公侯伯表

高皇帝之始定建業也於它官制皆草創而大捐其
爵封以勵庇主殉義者故於死事之臣必有贈而胡
大海廖永安至首開公國而是時 帝尚稱吳國公
云蓋不嫌肩並矣第其它郡公邑侯伯子男皆仍元
之故不階極品迨即大位洪武之三年始進公侯位
一品上而罷子男仍與諸功臣約其歿也公則王之
侯則公之自是而後諸功臣之顯終者不及半而其

它或以大愆麗辟或以微讐忤 旨皆格不復舉都督繇僉事而下至指揮間取死事間追舊恩往往超登侯爵而都督同知以上未有沾被者至洪武二十年而後 上春秋高有司怠於修舉彛典遂寥寥矣永樂初大槩仍高帝之舊而丘淇公以比討失律不得王而朱平陰以嗣公比討失律獨得王其它有開國邑非罪而弗獲封者或嗣公侯伯非功而獲封者都督有以恩而獲伯者有以功而伯者有舍爵邑而贈公孤者有六卿舍公孤而稱爵者易世之後不必盡出獨斷政府與操割者上下惟以意焉語云後

主所是則為令其然豈其然哉今考而表之追封王公侯伯表

太王

高帝高外祖無姓洪武元年追封

高王

高帝曾外祖無姓洪武元年追封

楊王陳公名無考

高帝外祖洪武元年追封

徐王馬公名無考

高皇后父洪武元年追封

滁陽王郭子興直隸滁州人係皇后義父故將都元帥洪武元年追封

開平王常遇春見前太子少保平章軍國重事鄂國公贈推誠宣德靖遠功臣特進上柱國太保中書右丞相封

隴西王李貞見前係曹國公洪武十年封

寧河王鄧愈見前係征西將軍右都督衛國公洪武十一年封

岐陽王李文忠見前係左都督曹國公洪武十七年封

中山王徐達見前係征虜大將軍太傅魏國公洪武十八年封配享

太廟功臣廟位皆第一

黔寧王沐英見前係征南將軍西平侯洪武二十六年封

東甌王湯和見前係信國公洪武二十七年封

東平王朱能係征夷將軍太子太傅成國公永樂五年封

河間王張玉河南祥符人係燕護衛都指揮同知靖難陣亡初贈榮國公永樂二十二年加封

定興王張輔見前王之子係太師英國公景泰元年封

平陰王朱勇見前係總兵官太保成國公天順元年封

宣平王朱永見前係太師保國公弘治八年封

寧陽王張懋見前係太師英國公正德七年封至萬

曆十一年削

定襄王朱希忠見前係太師成國公萬曆元年封至萬曆十一年削

越國公胡大海直隸虹縣人係行中書省叅知政事

行僉書樞密院事為金華叛兵所害壬寅年贈特進光祿大夫柱國浙東行省平章政事并封

蔡國公張德勝直隸梁縣人係同僉行樞密院事戊戌年追陳友諒戰死贈光祿大夫江淮行中書省平章政事并封

梁國公趙德勝直隸臨濠人係後翼大元帥壬寅年守南昌中弩死本年贈榮祿大夫江西行中書省平章政事并封後改贈都督同知加開國勳

豫國公俞通海直隸巢縣人係江淮行中書省平章政事圍平江中流矢死贈光祿大夫并封再贈魏國公

政事圍平江中流矢死贈光祿大夫并封再贈魏國公

泗國公耿再成直隸五河人係樞密院判官壬寅年
為處州叛兵所害初贈高陽郡公洪武十年加封
鄧國公馮國用直隸定遠人係帳前親軍都指揮使
巳亥年卒洪武初追封

濟國公丁德興直隸定遠人授萬戶陞管軍總管
吳元年八月卒年四十贈指揮使洪武三年追封
斬國公康茂才湖廣斬州人係同知大都督府事洪
武二年封

鄖國公廖永安直隸巢縣人係選授光祿大夫浙東

行中書省平章政事楚國公乙巳年卒洪武十三年
改封

鄆國公韓政見前係東平侯洪武十一年封

安國公曹良臣見前係宣寧侯洪武五年北征陣亡
封

滕國公顧時見前係濟寧侯洪武十二年贈特進左
柱國封

海國公吳禎見前係靖海侯洪武十二年贈特進左
柱國封

江國公吳良見前係江陰侯洪武十四年贈特進上

柱國封

巢國公華高見前係廣德侯洪武四年封

芮國公楊璟見前係營陽侯洪武十五年封

蘄國公康鐸茂才之子係蘄春侯洪武十五年封

陝國公郭子興見前係鞏昌侯洪武十七年封

永國公薛顯見前係永城侯洪武二十年封

黔國公吳復見前係安陸侯洪武十六年封

皖國公仇成見前係安慶侯洪武二十三年封

沂國公金朝興見前係宣德侯洪武十五年封

思國公張赫見前係航海侯洪武三十三年封

定國公郭英見前係武定侯永樂元年追封

榮國公張玉見前洪武三十五年封

定國公徐增壽達之子係左軍都督府左都督為建

文君所傑洪武三十五年初贈武陽侯加封

潞國公張武見前係成陽侯永樂元年追封

漳國公王聰見前係武城侯永樂七年北征陣亡追

封

莒國公李遠見前係安平侯永樂七年北征陣亡追

封

滕國公孟善見前係保定侯永樂十年追封

夏國公顧成見前係鎮遠侯永樂十六年追封

蔡國公徐忠見前係永康侯永樂十六年追封

興國公郭亮見前係成安侯永樂二十一年追封

茂國公李彬見前係豐城侯永樂二十年追封

景國公李讓見前係駙馬都尉富陽侯永樂三年

追封

榮國公姚廣孝係僧任太子少師永樂十六年追封

推忠輔國協謀宣力文臣特進榮祿大夫柱國

寧國公王真陝西咸寧人建文二年以護衛百戶靖

難陣亡初贈金鄉侯永樂二十二年追封

靖國公陳珪見前係泰寧侯永樂十七年追封

涇國公陳亨直隸壽州人建文三年以都督僉事靖

難陣亡追封

勤國公薛祿見前係鎮朔大將軍太保陽武侯宣德

五年追封

鄖國公張信見前係少師隆平侯正統七年追封

漳國公鄭亨見前係征西前將軍大同總兵官武安

侯宣德九年追封

沂國公袁容見前係駙馬都尉廣平侯宣德五年追

封

融國公柳升見前太子太傅征虜副將軍安遠侯洪
熙元年征安南陣亡正統中贈封

濱國公薛貴見前係安順侯宣德五年追封

邠國公吳克忠見前係恭順侯正統十四年從北征
陣亡贈封

渠國公吳成見前係清平侯宣德八年贈封

涇國公蔣貴見前係定西侯正統十四年贈封

寧國公陳瀛係珪曾孫正統十四年贈封

鄆國公宋瑛見前係駙馬都尉西寧侯正統十四年
從北征陣亡贈封

穎國公楊洪見前係鎮朔大將軍總兵官昌平侯景

泰四年贈封

裕國公張軌見前係總兵官太平侯天順四年贈
封

安國公孫忠見前係會昌伯景泰三年贈會昌侯天
順三年加封

濬國公陳懋見前係太保寧陽侯天順七年贈封

黔國公陳豫見前係平江侯天順七年卒追封

沔國公陳友見前係武平侯天順四年追封

漆國公孫鏗見前係懷寧侯成化七年贈封

嶧國公劉安見前係廣寧伯成化七年贈封

蠡國公梁瑤見前係保定侯成化三年贈封

涼國公吳瑾克忠之子係恭順侯天順五年死曹欽

難贈封

容國公趙輔見前係太保武靖侯成化二十三年贈

封

知國公孫繼宗忠之子係太傅會昌侯成化十七年

贈封

涼國公蔣琬貴之子係太保察西侯成化二十三年

贈封

寧國公周能以 皇太后父初贈慶雲伯累贈封

宣國公周壽係太傅慶雲侯弘治 年贈封

阜國公王鎮以 皇太后父贈瑞安伯累封

昌國公張巒敬皇后父係壽寧侯弘治六年贈封

安國公李偉 慈聖皇太后父係武清侯萬曆十一

年贈封

河間郡公俞廷玉濠州蒲塘人係統軍大元帥

高陽郡公耿再成詳前公表

東海郡公茅成直隸定遠人係武德衛指揮副使圍

蘇州中流矢死贈鎮國上將軍僉大都督府事封

天水郡公嚴德直隸采石人係海寧衛指揮同知破
方國瑛兵陣亡洪武二年贈驃騎上將軍大都督
副使并封

濟陽郡公丁普即不知何許人係僉書樞密院從征
陳友諒戰死贈封

姑孰郡公陶安直隸太平人係禮部尚書行省叅政
洪武七年卒追封

樂浪郡公濮英直隸芦州人係中軍都督僉事洪武
二十年死金山北虜之難初贈金山侯加贈特進柱
國封係正一品

東丘郡侯花雲直隸懷遠人係行樞密院判官戊戌
死陳友諒之難贈懷遠大將軍上輕車都尉封

高陽郡侯許瑗江西樂平人係太平知府戊戌死陳
友諒之難追封

太原郡侯王鼎直隸儀真人初爲趙忠養子後復姓
係行樞密院判官戊戌死陳友諒之難追封

太原郡侯王道同不知何許人係處州知府死叛兵
之難追贈太中大夫上輕車都尉并封

南陽郡侯葉琛浙江麗水人係營田僉事守洪都爲
叛兵所害贈封

忠節侯張子明係千戶洪都告急歸遇陳友諒兵不屈死追封

永義侯桑世傑係元帥陣亡贈樞密院判官封九年加贈柱國

高陽郡侯韓成直隸虹縣人係帳前親軍副都指揮使鄱陽之戰衣上衣投水以緩賊師封子觀為都督

穎上郡侯陳兆先叛將也先之子係統軍元帥死鄱陽之戰

隴西郡侯李繼元係樞密院判

彭城郡侯劉齊係親軍右副都指揮使

高陽郡侯許圭係統軍元帥

天水郡侯趙國旺係右副元帥

京兆郡侯宋貴係水軍元帥

太原郡侯王勝係右副元帥

隴西郡侯李信係右副元帥

清河郡侯張志雄係樞密院判

隴西郡侯李志高係同知元帥

汝南郡侯呂文貴係右副元帥

下邳郡侯余昶係左副元帥

東海郡侯徐公輔係右副元帥

彭城郡侯劉義係右副元帥

潁川郡侯陳弼係右副元帥

弘農郡侯楊廣忠 已上俱封

已上文職係太中大夫

武職係懷遠大將軍俱輕車都尉

燕山侯孫興祖直隸濠州人係大都督府都督副使

洪武二年追北虜陣亡追封

安遠侯蔡僊係靖江王相兼廣西行省叅政洪武三

年贈資善大夫上護軍行省右丞封

昌樂侯丘廣直隸定遠人係燕府左傅洪武九年贈
柱國封

霍山侯王簡直隸壽州人係大都督僉事洪武十二
年贈榮祿大夫中軍都督同知封

臨沂侯王直直隸壽春人係廣西都指揮使洪武十
三年贈特進光祿大夫柱國前軍都督同知封

汝陰侯高顯直隸梁縣人係後軍都督僉事洪武十
三年贈榮祿大夫都督同知封

廬江侯何德河南光州人係左軍都督僉事洪武十
四年贈榮祿大夫都督同知封

富春侯孫世直隸巢縣人係中軍都督僉事洪武十四年贈光祿大夫柱國并封

合浦侯陳清直隸巢縣人係後軍都督府僉事洪武十五年贈封

東海侯陳文直隸合肥人係後軍都督僉事洪武十七年贈封

英山侯於顯湖廣黃梅人係前軍都督僉事洪武二十年贈封

廬江侯趙馘

金鄉侯王真見前洪武三十五年贈封

武陽侯徐增壽見前洪武三十五年贈封

崇安侯謂淵直隸清河人係燕山護衛指揮僉事

靖難陣亡洪武三十五年贈封

應城侯孫岩見前係應城伯永樂九年贈封

平江侯陳瑄見前係平江伯宣德八年贈封

廣寧侯劉榮見前係廣寧伯永樂十八年贈封

彭城侯張景見前係彭城伯正統三年贈封

惠安侯張昇見前係惠安伯正統六年贈封

新建侯李玉見前係新建伯正統六年贈封

水順侯薛壽重見前係嗣新建伯正統十四年從駕

比征陣亡贈封

脩武侯沈榮見前係嗣脩武伯正統十四年從駕北征陣亡贈封

平鄉侯陳懷見前係平鄉伯正統十四年從駕北征陣亡贈封

忠勇侯蔣信見前係忠勇伯景泰五年贈封

武進侯朱榮見前係武進伯洪熙元年贈封

武進侯朱冕見前係嗣武進伯正統十四年從駕北

征陣亡贈封

鉅鹿侯井源係駙馬都尉正統十四年從駕北征陣

亡則封

撫寧侯朱謙見前係鎮朔將軍撫寧伯景泰二年贈封

懷柔侯施聚見前係懷柔伯天順六年贈封

永寧侯譚廣見前係永寧伯正統九年卒後追封

會昌侯孫忠見贈公表景泰五年贈封

東寧侯焦禮見前天順七年贈封

寧遠侯任禮見前係寧遠伯成化元年贈封

興濟侯楊善見前係掌禮部事興濟伯天順二年贈

封

靖遠侯王驥係掌兵部事靖遠伯天順四年贈封

文安侯張輓見前係文安伯天順五年贈封

定襄侯郭登見前係提督十二營總兵定襄伯成化

八年贈封

豐潤侯曹義見前係征虜前將軍遼東總兵豐潤伯

天順四年贈封

南寧侯毛福壽見前係南寧伯天順二年贈封

伏羌侯毛忠見前係伏羌伯成化四年贈封

宣城侯衛潁見前係宣城伯弘治十一年贈封

昌寧侯趙勝見前係太保昌寧伯成化二十三年贈

封

新建侯王守仁見前係南京兵部尚書都察院左都

御史隆慶元年贈封

縉雲郡伯胡深浙江龍泉人係行省左右司郎中總

制處州府軍民事府參軍乙巳年死陳友定事贈封

天水郡伯趙天麒係臨江府同知死事贈封

安定郡伯程國勝係帳前萬戶

隴西郡伯牛海係元帥副使

太原郡伯王咬住係元帥副使

顯佑伯楊國興勅為宜興城隍右皆死事贈封

卷之四十一

卷之四十一

二五

已上伯皆仍元爵階勲正四品

廣安郡伯孫虎係海寧衛指揮副使洪武元年北征陣亡贈鎮國將軍大都督府僉事封

譙郡伯戴德係湖廣行省參知政事贈開國輔運宣力武臣資善大夫護軍行省左丞封

滎陽伯潘毅係虎賁衛指揮使贈宣忠秉義功臣鎮國上將軍護軍大都督府僉事封

已上 太祖時封正二品

建平伯高士文見前以都指揮從平安南陣亡贈封予世襲

建以下皆特進柱國

萊陽伯周長直隸天長人永樂十四年以右軍都督僉事贈封

新泰伯張欽直隸睢寧人永樂十四年以右軍都督僉事永樂二十四年贈封

平陰伯朱崇直隸定遠人係後軍都督同知永樂二十年贈封

保昌伯程寬直隸潁上人係後軍都督僉事永樂二十年贈封

成武伯陳亨以右都督贈封

景成伯馬榮左都督入朝墮馬卒贈封

大同伯陶瑾以左都督贈封

已上 太宗時封

懷遠伯山雲以鎮守廣西左都督贈封

湯陰伯郭資見前宣德七年以太子太師掌戶部事
贈封

潞漳伯郭義以右都督贈封

安陽伯曹隆以左都督贈封

營山伯高成以右都督贈封

保昌伯蔣廷珪衛聖夫人夫以左都督贈封

威遠伯方政以右都督征麓川陣亡贈封

萊陽伯孫榮以左都督贈封

荏平伯吳中以少師工部尚書贈封

蒙陰伯李英以都督兼事贈封

清源伯冀傑以都督從北征陣亡贈封

縣谷伯高文以右都督贈封

邵陽伯馬聚以都督從北征陣亡贈封

任丘伯梁成以左都督贈封

沐陽伯金濂景泰中以太子太保戶部尚書贈封

定邊伯沐昂景泰中以征南將軍鎮守雲南總兵官

左都督贈封

榆次伯張濂宣德中以都督僉事贈封

山陽伯武興正德十四年以右都督禦寇先崇文門外陣亡贈封

溧陽伯紀廣景泰中以鎮朔將軍鎮守宣府總兵官左都督贈封

臨武伯蕭授正統中征蠻將軍鎮守湖廣總兵官左都督贈封

固安伯劉玉成化中爲征虜將軍征滿四進左都督贈封

宣良伯冉保以左都督贈封

洛南伯馮禎正德七年以榆林都指揮爲副總兵破流賊陣亡贈封

刑臺伯馮斌正德中以右都督贈封

忠誠伯陸炳與府儀衛司人嘉靖四十三年以太保兼少傅左都督掌錦衣衛贈封

盱眙縣子汪清從起義陣亡再贈駙馬都尉

羅山縣子王鳳顯係千戶

定遠縣子姜潤係千戶

梁縣子石明係千戶

懷遠縣子常德勝係鎮撫

合肥縣子王德勝係千戶

合肥縣子宋鼎係千戶

巢縣子陳冲係千戶

定遠縣子王喜仙係千戶

廬江縣子江澤係千戶

合山縣子丁宇係千戶

汝陽縣子建德山係千戶

定遠縣子裴軫係千戶

富塗縣男王愷為行省郎中癸卯死金華亂兵贈奉

直大夫飛騎尉封

丹陽縣男孫炎直隸句容人行省都事處置處州軍

事癸卯為亂兵所害贈封如王愷

合肥縣男徐明係管軍百戶癸卯死洪都難贈封子

為指揮

萬春縣男常德勝係千戶

虹縣男鄭興都尉

隨縣男羅世榮都尉

定遠縣男史德勝係千戶

五河縣男王理係千戶

舒城縣男王仁係千戶
含山縣男曹信係千戶

按子男爵多係祠於南昌康郎二忠臣祠者今
尚有一二遺漏當俟續考表之

贈王號名二

太高

國名二

楊徐

郡名十五

滁陽隴西中山開平岐陽寧河東甌黔寧東平定

定遠平陰宣平寧陽定襄

公國名二十五

宣信二楚援因故衣韓宣魏信鄂鄭子曹宋衛申

即衛穎涼開弟鄭梁淇成定英黔昌翊保忠

贈公國名四十九

越郢泗梁即豫號改封濟蔡人滕人杞許陝江海

鄆仁安仁朮巢芮黔沂二皖營恩榮仁寧仁靖潞夏

莒漳茂融涇二濱邠涼濬渠裕涑沔黔嶧蠡昌阜豐

贈公郡名七

姑熟河間高陽濟陽東海天水樂浪

侯邑名一百三

中山吉安江夏淮安濟寧潁川長興臨江鞏昌六安
滎陽平涼江陰靖海南推德慶南安廣德營陽蘄春
永嘉豫章臨川即豫章改封東平宣寧汝南河南永城東
勝西平安陸宣德安慶鳳翔定遠仁永昌寧靖永平
會寧懷遠雄武西涼崇山武定普定東川鶴慶永寧
全寧越雋海西瀋陽歷城成陽泰寧武安保定仁同
安鎮遠靖安武城永康隆平安平成安豐城永春廣
平富陽新城西寧清遠寧遠寧陽安遠陽武安陽恭
順安順清平定西興安武清仁昌平保定平江太平

南和會昌廣寧武平懷寧撫寧武靖襄城慶雲瑞安
建昌京山靈璧臨淮成山安平

取事名者七

航海舳舻崇禮歸德思恩壽寧歸義

贈侯郡名十三

隴西仁高陽仁彭城仁天水京兆太原潁上清河汝
南下邳東海潁川弘農

贈侯取事名者三

忠節永義忠勇

贈侯邑名四十

安遠燕山富春汝南合浦東海霍山英山昌樂臨沂
金鄉崇安武陽廬江新建仁廣寧翼城平江撫寧平
鄉鉅鹿彭城惠安會昌文安寧晉東寧永順懷柔武
進彰武寧遠靖遠定襄南寧興濟豐潤宣城伏羌昌
寧

伯色名九十五

東莞徽光興安武康襄城信安新昌新寧應城忻城
雲陽富昌順昌平江成山遂安安鄉寧陽清遠榮昌
永新建平安遠廣寧恭順武進永順安順保定廣義
清平崇信會寧新建仁會川定西寧遠脩武永寧靖

遠平鄉招遠武清仁昌平彭城惠安會昌定襄撫寧
懷柔鎮遠南寧南和安平興濟海寧文安豐潤武功
定遠宣城昭武武平懷寧東寧彰武靖安武靖伏羌
寧晉興寧威寧昌寧慶雲長寧瑞安安昌建昌慶陽
涇陽泰安定永壽高平平涼鎮安永清鎮平昌化
玉田泰和高陽慶都德平固安永平

取事名者十四

忠勤仁誠意忠誠廣恩武義恭順永順安順廣義奉
化順義仁忠勇壽寧恭誠

贈伯郡名六

安定隴西天水太原縉雲譙郡

邑名二十五

榮陽建平懷遠新泰管山景城大同湯陰在平保昌
成武安陽萊陽山陽清源邵陽任丘沐陽定邊榆次
溧陽固安臨武洛南宣良

取事者二

顯佑忠誠

贈子邑名十

盱眙羅山定遠仁梁縣懷遠合肥仁巢縣廬江合山汝陽
贈男邑名十

當塗丹陽合肥萬春定遠五河舒城含山虹縣隨縣

別集卷之四十一終

寬政庚申



